

Eliñolo no wili lya Jowani Okulimukisa ku liñolo no wili lya Jowani

Eliñolo no wiili lya Jodani kame lina kuñoliwa kwa Mutumiwa Jowani mumwaka no 90 (AD) munyima no kuleiwa kwa Kilesite. Kono Jowani ka kumonisa yonyene nji yo muñoli walyo, okubita nji akwisane nji yokame omukulu. Emitwi no yambo ya 2 Jowani kama isheteta kuukufeka kanyi emitwi no yambo eto tiwaniwa mu buka iisaniwa Eliywi okwamana ni Jodani. Onene luli kame imonahalela mu mukwa omo aongoteteta etaelo ya Jesu no oukusinga omunjili ku munjili mane ni mukwa owo wendelela ni kusinga Jesu ni koñelela etitaelo (1.5-6; Jowani 15.9-10). Kame kulumeliwa nji Jowani nakuñola Eliywi okwamana kwa Jowani mane ni mañolo aatu, 1 Jowani, 2 Jowani ni 3 Jowani abo yo yoya mu Efesasi. Jowani naku tuma eliñolo lyaye ku mukati no kuketiwa naanaye. Kame anaku singa okubapanya ku keleke cwale sebeli waamba nji nilyalumeli onje. Elibaka lya Jowani mukuñola eliñolo eli neli okususuweza ekeleke ni kwaaba emamela no aiyeti no mapwa.

Emitwi no Titaba

Jowani kame alimukisa eliñolo mu kwaamba nji lyanyine ni mukulumelisa asiku litambula (2 Jowani 1.1-3).

Cwale sebeli osusuweza ekeleke ni kwaa

hupulisa etaelo noku neneba (2 Jowani1.4-6).
Esisitatamako ni kwaaba emamela no aiyeti no
mapwa (2 Jowani1.7-11)

Jowani naku mana eliñolo lyaye muku twala
okukeeta okutunda kwa lumeli mu keleke
omo ayoya (2 Jowani1.12-13).

¹ Mene omukulu, kame ni ñolela

Ku mukati woyo ona ketiwa kwa Nyambe, naa
naye aa ni singa mu niti, mi ka sa mene fela woyo
waa singa, kono naa alimukile eniti onje,

² mulibaka no niti eyi ili mwaaci, mi kame
saikale naaci enako yonje ni kuta oku no
kwaabwa.

³ Esishemo ni makeke, ni kozo, iikale naaci eyi
itunda kwa Nyambe Sitange, ni kwa Jesu Kilesite
omwana Sitange, mu niti ni mu lilato.

Eniti ni Lilato

⁴ Kame ni wabelelwe onene aba ni na wana
aana anjili owe ayoya mu niti, kanyi aba tuna
laelwe kwa Sitange.

⁵ Mi cwale, wene omukati, kame niku lapela,
kasa nji kame ni ku ñolela etaelo no ubya, kono
eyo tuli nayo okutunda ku matatekelo eyi yaamba
nji, tu ku singe omunjili ku munjili.

⁶ Elilato, ninji tuyoye mu taelo ya Nyambe. Yo
kame etaelo, omu muna iyupele ku matatekelo
ninji tukusinge omunjili ku munjili.

⁷ Kakuli asikonga no kupula kame anengene mu
litunga, aa aulwa okupumena Jesu nji kame aneyi
mu lutu no unu. Woyo omunu no ngeso ni moongi
mini siila sa Kilesite.

⁸ Mu tokomele nji mu lese oku sinyehelwa kweyi tunabeleke, kono mu biwe omupuzo no kwiya.

⁹ Omunu yonje woyo okeluha no kwaa ikala mu tuto ya Kilesite mi kame abekelako einjili, kasa ni Nyambe. Kono woyo yonje otwalelela oku mamela etuto ya Jesu, kame ali ni Sitange bamweya ni Mwana.

¹⁰ Nji omunjili kame aiya kwaa wene, mika liti etuto eyo, mu lese oku tambula mu tindo tenu, mi mu lese oku mukeeta.

¹¹ Kakuli woyo wakeeta kame aku wana naye mu tikezo taye eti no kwiiba.

Amaywi no Mamaneneno

¹² Kame nili neyi nokupula no kuku ng'olela, kono ka ni singi oku kutusisa epampili ni inke, kono kame ni nahana okwiiya muukumona nji nikwambela nikanwa, nji cwale okuwabelelwa kwetu kwiyaalelele.

¹³ Aana no mandowe ana ketiwa kwa Nyambe kame akukeeta.

Luyana Bible Translation
Luyana: Luyana Bible Translation (New Testament)
for Zambia

copyright © 2024 The Word for the World International

Language: (Luyana)

Contributor: The Word for the World Southern Africa

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-10

PDF generated using Haiola and XeLaTeX on 10 May 2025 from source files dated 10 May 2025

b071328c-adc7-5e91-a867-254a1a2a7440